



ORDENANÇA MUNICIPAL REGULADORA DERA PUBLICITAT

CAPÍTOL 1 . NORMES GENERAUS -----	2
ARTICLE 1. OBJÈCTE E DEFINICIONS -----	2
1.1 OBJÈCTE -----	2
1.2 CONCÈPTE -----	2
1.3 ASPÈCTE TRIBUTARI -----	2
ARTICLE 2. ENCASTRE D'APLICACION -----	2
ARTICLE 3. PROÏBICIONS E LIMITACIONS -----	2
CAPÍTOL II. NORMES TECNQUES, REQUISITS E LIMITACIONS PARTICULARS DES DIFERENTES MODALITATS DERA ACTIVITAT PUBLICITÀRIA -----	3
ARTICLE 4. PUBLICITAT ESTÀTICA -----	3
4.1 TANQUES PUBLICITÀRIES -----	3
4.2 CARTÈUS -----	3
4.3 BANDERÒLES E PANCARTES -----	4
4.4 PANNÈUS -----	4
4.5 PANNÈUS EN DOMÈNI PUBLIC -----	4
4.6 PANNÈUS EN DOMÈNI PRIVAT PERCEPTIBLES DES DERA VIA PUBLICA -----	4
4.7 TENDOLETS PUBLICITARIS. -----	5
ARTICLE 5. PUBLICITAT DINÀMICA -----	5
5.1 PUBLICITAT MANUAU -----	5
5.2. REPARTIMENT DOMICILIARI -----	5
5.3 VEÏCULS PORTADORS DE CARTELÈRES O ANONCIS -----	6
5.4 PUBLICITAT AUDIOVISUAU E TELEMÀTICA -----	6
ARTICLE 6. PUBLICITAT ACUSTICA/ORAU O MEGAFONICA -----	6
ARTICLE 7. D'AUTI ELEMENTS PUBLICITARIS -----	6
CAPÍTOL III. PROCEDIMENT -----	6
ARTICLE 8. LICÈNCIA -----	6
ARTICLE 9. VIGÈNCIA DES LICÈNCIES, EFICACITAT E REVOCACION DES LICÈNCIES -----	7
CAPÍTOL IV. NORMES PARTICULARS -----	8
ARTICLE 10. -----	8
CAPÍTOL V. INFRACCIONS, SANCIONS E RESPONSABLES -----	8
ARTICLE 11. INFRACCIONS -----	8
ARTICLE 12. SANCIONS -----	9
ARTICLE 13. RESPONSABLES -----	9
CAPÍTOL VI. DISPOSICION TRANSITÒRIA -----	10
ARTICLE 14. DISPOSICION TRANSITÒRIA -----	10
CAPÍTOL VII. DISPOSICION FINAU -----	10
ARTICLE 15. DISPOSICION FINAU -----	10
DILIGÈNCIA. -----	10



CAPÍTOL 1 . NORMES GENERAUS

ARTICLE 1. OBJÈCTE E DEFINICIONS

1.1 OBJÈCTE

Era present ordenança a per objècte regular es condicions a qué aurà d'ajustar-se era publicitat installada o hèta en domèni privat o perceptible des deth domèni public.

1.2 CONCÈPTE

A efèctes d'aguesta Ordenança se compren per publicitat tota accion dirigida a difóner entre eth public eth coneishement dera existència d'ua activitat culturau, politica, sindicau, professionau, esportiva, economica o de productes e servicis que s'aufrissen ath consum e divulgacion.

1.3 ASPÈCTE TRIBUTARI

Toti es actes d'installacion d'elements de publicitat exteriora son subjèctes a prealabla licència municipau e ath pagament des exaccions fiscaus que seràn fixades pera Ordenança Fiscau, damb era exempcion des plaçades en domèni public municipau sometudes ath regim dera Concession, que seràn subjèctes a çò dispausat enes corresponenti plecs.

ARTICLE 2. ENCASTRE D'APLICACION

Er encastre d'aplicacion d'aguesta Ordenança se circoscriu ath tèrme municipau e se concrète en totes es activitats publicitàries que se i exercisquen e enes diferents modalitats que se i desenvolopen.

Era publicitat ena via publica se considerarà, segons es casi, usatge comun especiau o usatge privatiu d'aquera segons se determine en Reglament de Bens des Corporacions Locaus.

Se considèra usatge excepcional deth paisatge urban er enregistrament cinematografic enes espacis publics.

ARTICLE 3. PROÏBICIONS E LIMITACIONS

3.1. Se proïbis era fixacion de pannèus en totes es façades des bastisses (damb excepcion dera publicitat comerciau deth pròpri establiment, que sigue restacada damb eth sòn negòci e d'acòrd damb era autorizacion municipau), as monuments, as temples religiosi, ath cementèri, as hònts, as arbes, ath mobiliari urban e senhaus de transit, as pasiments des carrèrs e trepadèr o es sòns bòrds, as terrenes aqueridi o cedidi entà vies o espacis liures publics e d'auti lòcs analògs.

Enes lòcs que limiten era lum o es vistes des ocupants de bèth immòble e provòquen molèsties as vesins.

Es anoncis reflectanti.

Enes zònes de servitud e afectacion de carretèrs, conforme as articles 75 e 136.3 deth Reglament Generau de Carretèrs de 8 de hereuèr de 1977.

Tanben se proïbis era realizacion de quinsevolha activitat publicitària que pogue perturbar eth transit, era seguretat viau o era vision d'elements urbanistics d'interès especiau.



Era Alcaldia, a proposicion dera Junta de Govèrn Locau poderà fixar damb caractèr generau zònes o lòcs determinadi a on se limite, totaument o parciaument, er exercici d'activitats publicitàries encara dehòra des autorizadas en aguesta Ordenança.

Demoren proïbides aqueres activitats publicitàries mejançant anoncis constituïdi de matèries combustibles en zònes forestaus d'abondosa vegetacion o d'espècies isolades de consideracion.

Demoren proïbides aqueres activitats publicitàries que peth sòn objècte, forma o contengut siguen contràries ar ordenament juridic. Particularament, demore proïbida tota forma de publicitat qu'atempte contra era dignitat dera persona.

Non s'autorizaràn es activitats publicitàries qu'utilizen er èster uman o es animaus damb era unica finalitat de convertir-les en supòrt materiau deth messatge o esturment de captacion d'atencion, atau coma es manifestacions de publicitat enganhsosa, desleiau, subliminau o que transgredisque aquerò que dispòse era norma especifica sus publicitat de determinadi productes, activitats o servicis.

Era publicitat que realize era persona coma supòrt materiau deth messatge o esturment de captacion dera atencion damb justets, vestiari o quinsevolh aute miei que sigue, aurà de respectar era dignitat dera persona, non èster denigranta e prestar-se en condicions adequades de seguretat e salut.

3.2. Demore proïbit ena via publica eth lançament de propaganda escrita.

3.3. Er usatge excepcionau deth paisatge urban mejançant publicitat o enregistrament cinematografic exigís es requisits següenti:

Èster limitat en temps.

Obligacion d'apraiment der impacte paisatgistic en foncion dera intensitat der usatge e deth rendiment d'aguest entath beneficiari.

Requerís autorizacion municipau prealabla e expressa, sense damatge dera licència d'òbres o dera licència demaniau que siguen legaument procedentes. Atau madeish, quinsevolha publicitat que sigue enes montanhes d'utilitat publica deth municipi serà subjècta ad aguesta ordenança.

Era autorizacion ponderarà er impacte paisatgistic, era proporcionalitat damb aguest der apraiament e es unitats d'usatge deth paisatge en espaci e temps.

CAPÍTOL II. NORMES TEQUQUES, REQUISITS E LIMITACIONS PARTICULARES DES DIFERENTES MODALITATS DERA ACTIVITAT PUBLICITÀRIA

ARTICLE 4. PUBLICITAT ESTATICA

Aquera realizada sus installacions o supòrts fixi que siguen vedibles des dera via publica o espacis publics, plaçadi fisicament enes bastisses, ena via publica o en quinsevolh aute espaci terrèstre o aèri susceptible d'usatge entà plaçar-i publicitat. Se classen: tanques publicitàries, pannèus, pancartes e bandolères, pannèus e tendolets publicitaris.

4.1 TANQUES PUBLICITÀRIES

Non ei permetut eth plaçament de tanques publicitàries, exceptat aqueres qu'era Junta de Govèrn Locau pogue determinar d'acòrd damb çò que dispause er article 10.

4.2 CARTÈUS



Ajuntament de Vielha e Mijaran

Se consideraràn cartèus es anoncis litografiadi o impresi per quinsevolh procediment sus papèr, cartolina o carton e d'auta matèria de pòca consisténcia e cuerta durada.

Era sua fixacion unicament serà permetuda en aqueri lòcs establidi ad aquest efècte.

4.3 BANDERÒLES E PANCARTES

Son elements publicitaris de caractèr efemèr, realizadi sus teles, lones, plastics o pannèus.

Es banderòles sonque se poderàn installar en:

a) Miegères des bastisses e es supòrts d'enlumenat public e d'auti elements pendent es periòdes electoraus a cargues publics. En tot cas, cada candidatura se veirà obligada a retirar es elements publicitaris subsistents un còp finalizat eth periòde electorau. De non hèc en tèrme de 10 dies, ac haràn es servicis municipaus prealable requeriment e a còsta dera candidatura.

b) Es façades de bastisses intègrament comerciaus, per motiu de vendes extraordinàries, excepcionaument e per un periòde non superior a 2 mesi, qu' auràn d'èster retiradi en tèrme de 10 dies. De non hèc en tèrme de 10 dies, ac haràn es servicis municipaus prealable requeriment e a còsta der infractor.

Aguestes installacions auràn era solidesa de besonh entà garantir era seguretat viau.

Es pancartes se poderàn autorizar excepcionaument en aqueri lòcs dera via publica que se soslinhen pendent es periòdes d'eleccions, hèstes populars e eveniments d'interès ciutadan. Se plaçaràn de forma que non empedisquen era liura circulacion de pedanhs o veïculs, ne pogue ocasionar damatges a personas, ara via publica, as arbes o installacions existents en era. En tot cas, era part inferiora dera pancarta non poderà plaçar-se a mens de 5 mètres de nautada sus era cauçada.

4.4 PANNÈUS

Se considèren pancartes es anoncis per miei de pintura, hèr o ua auta matèria qu'assegure era sua longa durada. Auràn tanben era consideracion de pancartes es anoncis luminosi, illuminadi e es projectadi ena pantalha o per rai lasèr.

4.5 PANNÈUS EN DOMÈNI PUBLIC

Sonque se permeterà era installacion de pancartes en domèni public mejançant regim de concession administrativa coma conseqüéncia de concors convocat per Ajuntament e regulat pes plecs de condicions que s'establisquen ad aquest efècte.

4.6 PANNEUS EN DOMÈNI PRIVAT PERCEPTIBLES DES DERA VIA PUBLICA

4.6.1 Solèr urbanizable e non urbanizable:

Non se permeterà eth plaçament de pancartes en solèr urbanizable e non urbanizable.

4.6.2 Solèr urban:

Unicament s'installaràn en:

Locaus de planta baisha o en planta prumèra quan non existiràn voladissi en era. Seràn adossadi as façades, damb un voladís maximum de 0,30 mètres, seràn en bandèra quan se superarà aquest voladís maximum.



Es pancartes comercials adossades auràn de dessenhar-se de forma integrada laguens deth limit materiau dera pròpria façada deth comèrç o locau ath que correspone, en tot ajustar-se, coma critèri generau, ara estructura des uets dera façada e en tot èster de besonh er usatge de materiaus que s'intègren en pròpri entorn ambientau dera zòna e ena valor arquitectonica dera bastissa.

Es pancartes en bandèra auràn coma gessent maximum eth 80% deth voladís admetut entara bastissa d'acòrd damb aquerò dispausat enes Normes Subsidiàries e de Planejament Urbanistic dera Val d'Aran en tot auer en quinsevolh cas coma limit maximum 0,6 mètres e tostemp qu'era projeccion deth sòn punt mès subergessent sus eth trepader sigue a ua distància minima de 0,40 mètres dera cauçada. Se s'installen enes carrèrs entà pedanhs auràn d'èster corregides aguestes dimensions en foncion der accés de veïculs d'emergéncia.

Es pancartes en bandèra non poderàn subergésser dera façada deth locau o comèrç en qué siguen installades. Eth hons totau der anonci non poderà superar es 0,3 mètres.

Es pancartes que siguen luminoses o en bandèra auràn d'auer ena sua part mès baisha ua nautada superiora a 2,5 mètres dera rasant deth trepader.

Sonqu s'admeteràn pancartes o messatges publicitaris enes tendolets e marquesines quan se trobaràn incorporadi ara sua pròpria configuracion, se non son elements independenti, adossadi o superpausadi.

Es murs, tanques e espacis liures:
Non s'admeteràn es murs, tanques, cercles e espacis liures.

4.7 TENDOLETS PUBLICITARIS

Es tendolets que s'exibisquen de manèra permanenta auràn d'èster remplaçadi quan presentaràn desperfèctes o decoloracions.

Era sua installacion aurà era solidesa de besonh entà evitar era sua queiguda ara via publica.

Non amagarà elements significatius o arquitectonics d'interès, encara qu'eth lòc a on se place non se tròbe en cap nivèu d'emparament istoric artistic o paisatgistic.

Es tendolets seràn autorizadi per temps determinat, en foncion dera durada des circumstàncies que motive era sua installacion.

En quinsevolh des situacions en qué s'autorizen, se permeterà era sua situacion perpendiculara as sòns supòrts.

ARTICLE 5. PUBLICITAT DINAMICA

Era qu'ei mostrada sus objèctes mobils o mobibles laguens des modalitats següentes:

5.1 PUBLICITAT MANUAU

Publicitat manuai o Repartiment d'impresi en papèr o a trauès de mecanismes parièrs, ena via publica o de forma individualizada. Es materiaus utilizadi entara publicitat auràn d'èster 100 % reciclables.

5.2. REPARTIMENT DOMICILIARI



Ajuntament de Vielha e Mijaran

Repartment domiciliari de publicitat o distribucion mejançant liurament directe as propietaris o usatgèrs d'abitatges, oficines o burèus, o era sua introduccion en boètes individuaus o collectives des immòbles. Sense damatge d'aquerò establìt pes pròpies Comunitats de Propietaris.

5.3 VEÏCULS PORTADORS DE CARTELÈRES O ANONCIS

Publicitat liurada mejançant er usatge de veïculs en circulacion, era difusion de messatges publicitaris per esturments.

Es veïculs destinadi a publicitat non excedirà des mesures següentes, includìt eth materiau publicitari: 5 mètres de longada, 2,5 mètres d'amplada e 3,5 mètres de nautada.

5.4 PUBLICITAT AUDIOVISUAU E TELEMATICA

Desvolopada mejançant eth supòrt d'esturments audiovisuaus, mecanics, electricics o electronics, plaçadi en quinsevolh superficia fixa o mobila que sigue. Se i includirà era publicitat realizada a trauès de mieis informatics diuèrsi.

Es projeccions fixes o animades ena via publica damb fins publicitaris se denegaràn quan era previsible aglomeracion de public pogue obstruïr era circulacion de pedanhs peth trepader.

ARTICLE 6. PUBLICITAT ACUSTICA/ORAU O MEGAFONICA

Era publicitat acustica sonque se poderà utilizar entà fins culturaus o d'outes de caractèr especiau de fin non lucratiu e/o interès public.

ARTICLE 7. D'AUTI ELEMENTS PUBLICITARIS

Aqueri que non siguen reguladi mejançant aquesta ordenança, plaçadi en propietat publica o privada, prealabla autorizacion municipau seràn estudiadi cas pe cas d'acòrd damb er interès sociau.

CAPÍTOL III. PROCEDIMENT

ARTICLE 8. LICÉNCIA

8.1 Serà de besonh era obtencion de licéncia municipau prealabla, entath desenvolopament des activitats nomentades en capítol II d'aquesta Ordenança.

8.2 Non precisaràn d'aquesta licéncia:

a) Era exhibicion de pannèus que siguen plaçadi enes veirines o en interior d'establiments, quan se referissen a articles o productes que se i venen.

b) Es anoncis plaçadi enes pòrtes, veirines o aparadors d'establiments comerciaus, limitadi a indicar oraris en qué se tròben dauridi ath public, prètzì des articles aufridi, es motius deth sòn barrament temporau, de traslat, liquidacions o rebaishe e d'outes informacions similares.

c) Era exhibicion de pannèus e pancartes qu'agen per objècte era indicacion der exercici d'ua activitat professionau, tostemp qu'amassen es caracteristiques tecniques següentes:

- Que siguen plaçadi enes portaus o pòrtes de burèus, estudis, consultes cliniques e, en generau, centres de trabalh o a on se i exercisque era profession.

- Qu'era superficia non passe de 360 centimètres quarradi.



- Qu'eth sòn contengut se limite ath nòm o rason social deth beneficiari dera publicitat, orari e activitat professionau.

8.3 Es licéncias s'autrejaràn segons es disposicions que se nomenten ena Ordenança e en concret enes següentes:

a) Auràn de sollicitar-se pes persones fisiques o juridiques entara propaganda des sues pròpies activitats as bens que possedisquen o, en sòn cas, per Agéncias de Publicitat inscrita en Registre Generau corresponent.

b) Damb era sollicitud s'aurà d'acompanhar:

- Era documentacion qu'acredite que damb era propaganda non s'incor en cap des proibicions soslinhades en article 3.

- Un dessenh deth projècte d'accion en tot especificar:

Dimensions, sistèma de montatge, justificacion tecnica des elements estructuraus de besonh entara estabilitat der element publicitari e seguretat, plans de situacion (escalèr minim 1:1.000) e de seccions e traçat, mesuraments e pressupòst, fotografies a color, damb mencion dera fin que se perseguís, eth contengut deth messatge publicitari e eth periòde de publicacion.

- Autorizacion dera propietat dera bastissa, locau o parcèlla o en sòn cas dera Comunitat de Proprietaris.

- Ara distribucion des pannèus a man, li calerà presentar-se un exemplar deth madeish, atau coma ua declaracion sus eth nombre d'exemplars a distribuïr.

c) Es activitats publicitàries expressades en capítol II susceptibles de concession, s'acomodaràn a çò que s'establisque en Plec de Condicions corresponentes e ad aquesta Ordenança.

d) Es titulars des licéncias e des concessions cuedaràn qu'eth materiau publicitari e es sòns elements de subjeccion se tròben en perfècte estat de seguretat e conservacion.

e) Es titulars des licéncias e des concessions cuedaràn de que cònte enes supòrts o cartelères eth nòm o rason social dera empresa propietària.

ARTICLE 9. VIGÉNCIA DES LICÉNCIES, EFICACITAT E REVOCACION DES LICÉNCIES

Es autorizacions entà installacions publicitàries o er exercici d'activitats d'aguesta natura auràn era vigéncia que s'establisque ena Resolucion que les autrege.

Finalizat eth tèrme de vigéncia, eth sòn titular o persona fisica o juridica que se subrògue enes drets deth titular aurà de procedir ath desmontatge e retirada dera installacion en tèrme de 10 dies.

Era eficacitat des licéncias demoren condicionades ath pagament des impòsti, taxes o prètzis publics, qu'en sòn cas, poguen crubar-se des installacions publicitàries.

Es autorizacions per installacions publicitàries poderàn èster revocades o suspènudes quan se daràn es circumstàncies previstes en article 16 deth Reglament de Servicis des Corporacions Locaus:



Ajuntament de Vielha e Mijaran

1. Es licéncias demoraràn sense efècte se non se complissen es condicions ath hèt que siguessen subordinades, e auràn d'èster revocades quan desapareishessen es circumstàncies que motivèren eth sòn autrejament o subervenguessen ues autes que, d'auer existit en aqueth temps, aurien justificat era denegacion e poderàn estar-ne quan s'adopten nauí critàris d'apreciacion.

2. Poderàn èster anulades es licéncias e restituïdes es causes ar èster e estat primitiu quan resultèssen autrejades erronèament.

3. Era revocacion fondada ena adopcion de nauí critàris d'apreciacion e era anulacion pera causa soslinhada en paragraf anterior comportaràn era compensacion des damatges que se provòquen.

Non darà lòc a cap indemnizacion, quan damb anterioritat deth compliment deth tèrme de vigéncia s'esbaussèsse er endret a on siguesse plaçat er anonci publicitàri, s'edifiquèsse en solar o s'alterèssen es condicions dera bastissa, carrèr, zòna o a on se placen.

CAPÍTOL IV. NORMES PARTICULARS **ARTICLE 10. NORMES PARTICULARS**

Era Junta de Govern Locau poderà senhalar es lòcs enes quaus poderàn installar-se es installacions publicitàries, atau com fixar es caracteristiques des nomentades installacions.

Era concession entara espleita des mieis publicitaris poderà comprèner sonque era utilizacion d'aqueri lòcs qu'auesse installat er Ajuntament o, ath delà deth bastiment e installacion des madeishi, aqueri qu'auràn de revertir en municipi un còp acabada era concession.

Tota exhibicion o substitucion de pannèus enes tanques e cartelères publicitàries aurà d'èster comunicada ar Ajuntament, en tot especificar eth periòde de temps en qu'e non s'a exhibit publicitat en element o installacion fixa, se considerarà qu'an estat continuament exhibidi es pannèus, as efèctes dera taxa/impòst municipau sus era publicitat, en sòn cas.

CAPÍTOL V. INFRACCIONS, SANCIONS E RESPONSABLES **ARTICLE 11. INFRACCIONS**

Es infraccions se classen en leugères, grèus e fòrça grèus.

Constituïssen ua infraccion leugèra:

- a) Era manca de licéncia.
- b) Er incompliment d'aquerò preceptuat en article 3 d'aguesta Ordenança e d'incidir de forma negativa ena necessària proteccion ambientau der entorn o des edificacions.
- c) Ua perturbacion considerabla dera convivéncia qu'afècte de manèra grèu, immediata e dirècta ara tranquillitat o ar exercici de drets legitims de d'autes persones, ath normau desenvolopament d'activitats de tota classa conforme damb era norma aplicabla o ara salubritat o ornamentacion publica, tostemp que se tracte de conductes non incluides en capítol IV dera Lei 1/1992, de 21 de hereuèr, d'Emparament dera Seguretat Ciutadana.
- d) Er empediment der usatge d'un servici public per ua auta o ues autes persones damb dret ara sua utilizacion.



Ajuntament de Vielha e Mijaran

- e) Er empediment o era grèu e considerabla obstruccion deth normau foncionament d'un servici public.
- f) Es actes de deteriorament grèu e considerable d'equipaments, infraestructures, installacions o elements d'un servici public.
- g) Es actes de deteriorament grèu e considerable d'espacis publics o de quinsevolh des sues installacions e elements, siguen mòbles o immòbles, non derivada d'alteracions dera seguretat ciutadana.

Se classaràn coma infraccions grèus e fòrça grèus era reïncidència enes infraccions leugères e d'acòrd damb es següenti critèris:

- a) Era intensitat dera perturbacion ocasionada ena tranquillitat o en pacific exercici des drets de d'aites personas o activitats.
- b) Era intensitat dera perturbacion ocasionada ara salubritat o ornamentacion publica.
- c) Era intensitat dera perturbacion ocasionada en usatge d'un servici o d'un espaci public per part des personas damb dret a utilizar-les.
- d) Era intensitat dera perturbacion ocasionada en normau foncionament d'un servici public.
- e) Era intensitat des damatges ocasionadi as equipaments, infraestructures, installacions o elements d'un servici o d'un espaci public.

ARTICLE 12. SANCIONS

Es anteriores infraccions administratives seràn sancionades mejançant ua multa de:

- Infraccions fòrça grèus enquia: 300 èuros.
- Infraccions grèus enquia: 150 èuros.
- Infraccions leugères enquia: 75 èuros.

Prealabla qualificacion dera madeisha coma leugèra, grèu o fòrça grèu, sense damatge dera orde municipau de cessament immediat dera activitat, e dera obligacion de restaurar era realitat fisica alterada en sòn estat originau.

ARTICLE 13. RESPONSABLES

Des infraccions d'aguesta Ordenança seràn responsables solidaris:

- a) En prumèr lòc era empresa Publicitària o en sòn cas era persona fisica o juridica qu'avesse dispausat eth plaçament der anonci sense era prealabla licéncia o concession, o damb infraccion des condicions imposades en aquestes o enes precèptes dera presenta Ordenança.
- b) Eth titular o beneficiari deth messatge.
- c) Eth propietari deth lòc a on s'avesse plaçat era installacion quan ac auesse autorizat.

Eth titular dera licéncia e eth propietari deth solèr o edificacion poderàn retirar es anoncis que se fixen sense eth sòn consentiment ad aqueres, e sense damatge que ne poguen denonciar es hèts ar Ajuntament a efèctes avienti.



CAPÍTOL VI. DISPOSICION TRANSITÒRIA

ARTICLE 14. DISPOSICION TRANSITÒRIA

Laguens deth tèrme de 2 ans dempús dera entrada en vigor d'aguesta Ordenança, es titulars de licència d'activitat damb data anteriora ara aprobacion dera presenta Ordenança que modifiquen era sedença der establiment a on desvolòpen era sua activitat poderàn incorporar ena naua demorança era pancarta publicitària der establiment anterior.

CAPÍTOL VII. DISPOSICION FINAU

ARTICLE 15. DISPOSICION FINAU

Aguesta Ordenança entrarà en vigor eth quinzau dia a compdar dempús de londeman dera sua publicacion en BOP de Lleida.

DILIGÈNCIA.-

En Vielha, a 25 de noveme de 2013. Entà hèr a constar qu'era presenta Ordenança a estat aprovada iniciaument mejançant acòrd deth Plen ena session de data 25.11.2013.

Expausada a informacion publica en BOP num. 231 de data 16 de deseme de 2013, en DOGC num. 6521 de data 13 de deseme de 2013, en Diari La Mañana de data 13 de deseme de 2013, en taulèr d'anoncis der Ajuntament e ena pagina Web www.vielha-mijaran.org.

Auent en compde que non s'a presentat cap d'allegacion, er acòrd iniciau ei definitiu e se publique eth tèxte intègre d'aguesta Ordenança en BOP de Lleida num. 124 de data 1 de junhsèga de 2014.


Aguesta Ordenança s'a modificat en article 1 e en punt 1 der article 4, per acòrd deth Plen en session deth dia 23 de seteme de 2015.

Expausacion iniciau en BOP de Lleida num. 186 de data 28 de seteme de 2015 e aprovada definitiuament pera non presentacion d'allegacions.

Se publique integrament en BOP de Lleida núm. 221 de data 17 de noveme de 2015.

Era secretària,

Pilar Hervada Vidal



EN VIGOR DES DETH 4 DE DESEME DE 2015